

MEDIJIMA

Sarajevo, 25.4.2019.

## SAOPŠTENJE ZA JAVNOST

### Koalicija "Pod lupom": Opći izbori 2018. godine u BiH ocjenjeni kao djelimično neregularni

*Koalicija za slobodne i poštene izbore "Pod lupom" jučer je održala Centralnu konferenciju na temu "Budućnost izbora u BiH: Kako dostići međunarodne standarde i spriječiti izborne prevare?", na kojoj je predstavljen Finalni izvještaj o građanskom, nestranačkom posmatranju Općih izbora 2018.*

Nedovršen pravni okvir, neimplementacija obavezujućih presuda domaćih i stranih sudova, transparentno kršenje Izbornog zakona BiH, rekordan broj zabilježenih izbornih nepravilnosti, politički utjecaj na izbornu administraciju, te izostanak sankcija doprinijeli su tome da je Koalicija "Pod lupom" Opće izbore 2018. ocjenila kao djelimično neregularne. Ovo je prvi put od kada Koalicija "Pod lupom" posmatra izbore da je iste ocjenila kao neregularne u pojedinim dijelovima izbornog procesa.

Uvodnim riječima konferenciju su otvorili: NJ.E. gospodin Eric Nelson, ambasador Sjedinjenih Američkih Država u BiH; NJ.E. ambasador Bruce Berton, šef Misije OSCE-a u BiH, te uvažena gospođa Elisabet Tomasinec, šefica Političkog odjela Delegacije Evropske unije u Bosni i Hercegovini.

Na pomenutoj konferenciji održane su dvije panel diskusije na temu gorućih pitanja: "Kako do slobodnih i poštenih izbora u BiH: Nemoguća misija ili prijeka potreba" i "Prioriteti u unapređenjima izbornog zakonodavstva BiH: Odakle početi i gdje se zaustaviti?".

Na konferenciji su donešeni sljedeći zaključci koji bi trebali da posluže zakonodavcima prilikom unapređenja izbornog zakonodavstva u BiH:

#### ZAKLJUČCI:

- Izborne prevare i nepravilnosti moraju biti spriječene a prekršioc i sankcionisani kako izborna volja građana/ki ne bi nikada više bila dovedena u pitanje
- Nove vlasti u BiH moraju obezbijediti neophodne izmjene izbornog zakonodavstva u cilju provođenja slobodnih i poštenih izbora u bliskoj budućnosti
- Izborne nepravilnosti i prevare moraju biti sankcionisane od strane nadležnih institucija i izbore administracije, sankcije veće a rad istražnih organa i pravosudnih institucija ažurniji
- Uvođenje novih tehnologija u izborni proces je neminovan korak s ciljem vraćanja povjerenja građana/ki BiH u izbore, a isto predstavlja i suštinski korak koji treba biti implementiran u neizbornoj godini
- Najveća odgovornost za provedbu izbora u BiH je na izornoj administraciji a posebno na Centralnoj

izbornoj komisiji BiH koja mora biti nezavisna i nepristrasna u svom radu u budućnosti

- Presude Evropskog suda za ljudska prava moraju biti prioritet u implementaciji obavezujućih sudskih presuda u izbornu zakonodavstvo, zajedno sa presudama Ustavnog suda BiH
- Vlast na državnom nivou treba pokrenuti proceduru za donošenje Zakona o političkim organizacijama koji će u većoj mjeri regulisati rad političkih stranaka u BiH

Konferencija je okupila preko stotinu predstavnika/ca zakonodavnih institucija vlasti na svim nivoima u BiH, lokalne izborne administracije, međunarodnih institucija, akademske zajednice te medija i civilnog društva. Na poziv za konferenciju se nisu odazvali članovi/ce Centralne izborne komisije BiH iako su bili pozvani.

*Za sve dodatne informacije molimo Vas da se obratite koordinatorici za odnose s javnošću Koalicije „Pod lupom“ Nini Zubović putem elektronske pošte [pr@podlupom.org](mailto:pr@podlupom.org) ili telefona 033 268 160 i 063 396 534.*